

四庫全書

史部

欽定四庫全書

史部

資治通鑑卷九十一

詳校官編修_臣范來宗

洗馬_臣王垣修覆勘

總校官知縣_臣楊懋珩

校對官中書_臣孫溶

謄錄監生_臣戴祖單

欽定四庫全書

資治通鑑卷九十一

宋司馬光撰

胡三省音註

晉紀十二

起疆圉赤奮若盛者
莊帝提格鬼三年

中宗元皇帝上

諱睿字景文宣帝曾孫琅邪武王
仙之孫恭王靚之子諡法始建國

鄉曰
元

建武元年

是年三月
方改元

春正月漢兵東略弘農太守宋哲

韓江東

哲屯華陰兵自長安東
略故棄城來奔守式又翻

黃門郎史淑侍御

史王冲自長安犇涼州稱愍帝出降前一日

降戶江翻

使淑

等齎詔賜張寔拜寔大都督涼州牧侍中司空承制行

事且曰朕已詔琅邪王時攝大位君其協贊琅邪共濟

多難淑等至姑臧寔大臨三日

難乃旦翻臨力鳩翻

辭官不受初

寔叔父肅為西海太守

王莽置西海郡光武中興棄之至獻帝興平二年武威太守張

雅請置西海郡分張掖之居延一縣以屬之雖郡名同而非王莽西海郡之地

聞長安危逼請

為先鋒入援寔以其老弗許及聞長安不守肅悲憤而

卒

卒子恤翻

寔遣太府司馬韓璞

時張氏保據河西有太府司馬太府少府主簿等官

蓋都督府為太府涼州撫戎將軍張閭等帥步騎一萬府為少府也璞匹角翻

東擊漢

撫戎將軍蓋張氏創置帥讀曰率騎奇寄翻

命討虜將軍陳安

沈約志魏

置將軍四十號

安故太守賈騫

晉志曰張茂分武興金城西平安故四郡為定

討虜第十九

州蓋張氏分金城西平二郡地置安故郡也按安故縣

二漢屬隴西郡水經注洮水自臨洮縣東流又屈而北

流逕安故縣故城西又北逕狄道縣故城西狄隴西太

道時已置武始郡安故郡蓋即漢之一縣置郡

守吳紹各統郡兵為前驅又遺相國保書曰王室有事

不忘投軀前遣賈騫瞻公舉動中被符命敕騫還軍

符命

蓋保符下寔也遺于季翻被皮義翻

俄聞寇逼長安胡崧不進麴允持金

五百請救於崧遂決遣騫等進軍度嶺

自涼州濟河度沃于嶺至狄道

會聞朝廷傾覆為忠不遂憤痛之深死有餘責今更遣

璞等唯公命是從璞等卒不能進而還至南安

南安郡治獮道

縣卒子恤翻還從宣翻又如字

諸羌斷路

斷丁管翻

相持百餘日糧竭矢盡

璞殺車中牛以饗士泣謂之曰汝曹念父母乎曰念念

妻子乎曰念欲生還乎曰欲從我令乎曰諾乃鼓譟進

戰會張閭帥金城兵繼至夾擊大破之斬首數千級

帥讀

曰率下同

先是長安謠曰秦川中血沒腕唯有涼州倚柱觀

腕鳥
貴翻

及漢兵覆關中氏羌掠隴右雍秦之民死者什八

九

雍於
用翻

獨涼州安全

二月漢主聰使從弟暢

從才
用翻

帥

步騎三萬攻滎陽太守李矩屯韓王故壘相去七里

李矩

屯新鄭則韓王故壘亦在新鄭也戰
國時韓滅鄭徙都之故有故壘在也

遣使招矩

使疏
吏翻

時

暢兵猝至矩未及為備乃遣使詐降於暢暢不復設備

大饗渠帥皆醉

降戶江翻復扶
又翻帥所類翻

矩欲夜襲之士卒皆恒

懼

恒去
王翻

矩乃遣其將郭誦禱於子產祠

子產相鄭鄭人
懷其惠為之立

祠使巫揚言曰子產有教當遣神兵相助衆皆踊躍爭

進矩選勇敢千人使誦將之

將即亮翻

掩擊暢營斬首數千

級暢僅以身免

辛巳宋哲至建康

沈約曰建康本秣陵縣漢獻帝建安

十六年置孫權改秣陵為建業武帝平吳還為秣陵太康三年分秣陵之水北為建業愍帝即位避帝諱改為

建康稱受愍帝詔令丞相琅邪王睿統攝萬機三月琅邪

王素服出次

杜預曰出次避正寢

舉哀三日於是西陽王羨及官

屬等共上尊號

西陽王羨汝南王亮之子羨余亮翻上時掌翻

王不許羨等固

請不已王慨然流涕曰孤罪人也諸賢見逼不已當歸

琅邪耳呼私奴命駕將歸國

私奴謂私所畜養而給使令之奴非以罪没官者

義等乃請依魏晉故事稱晉王許之辛卯即晉王位大

赦改元始備百官立宗廟建社稷有司請立太子王愛

次子宣城公裒欲立之

裒蒲侯翻

謂王導曰立子當以德導

曰世子宣城俱有朗雋之美而世子年長

長知兩翻

王從之

丙辰立世子紹為王太子封裒為琅邪王奉恭王後

帝後

太宗故以裒奉琅邪國祀

仍以裒都督青徐兗三州諸軍事鎮廣陵

以西陽王義為太保封譙剛王遜之子承為譙王

一本作譙

王承音拯

遜宣帝之弟子也又以征南大將軍王敦為大將

軍江州牧揚州刺史王導為驃騎將軍都督中外諸軍

事領中書監錄尚書事

驃匹
妙翻

丞相左長史刁協為尚書

左僕射右長史周顗為吏部尚書軍諮祭酒

顗魚
豈翻

賀循

為中書令右司馬戴淵王邃為尚書司直劉隗為御史

中丞行參軍劉超為中書舍人

晉志曰中書晉初置舍
人通事各一人江左令

舍人通事謂之通
事舍人掌呈奏案

參軍事孔愉長兼中書郎

長兼蓋
始於此

自

餘參軍悉拜奉車都尉掾屬拜駙馬都尉行參軍舍人

拜騎都尉

三都尉皆漢武帝置奉車都尉掌御乘輿車
駙馬都尉掌駙馬騎都尉掌監羽林騎師古

曰駙副馬也非正駕車皆為副馬一日駙近也疾也晉武帝以宗室外戚為三都尉江左後罷奉車騎二都尉唯留駙馬都尉奉朝請諸尚公主者為之掾俞絹翻

王敦辭州牧王導以敦統六

州辭中外都督賀循以老病辭中書令王皆許之以循

為太常是時承喪亂之後江東草創

廣雅曰草造也創始也喪息浪翻

刁協久官中朝諳練舊事

諳烏含翻悉也記也朝直遥翻

賀循為世儒

宗明習禮學凡有疑議皆取決焉劉琨段匹磾相與

歃血同盟

碑丁奚翻歃色洽翻歃也

期以翼戴晉室辛丑琨檄告華

夷遣兼左長史右司馬溫嶠匹磾遣左長史榮邵奉表

及盟文詣建康勸進

漢之禪于魏也文帝三讓魏朝羣臣累表請順天人之望此則勸進

之造端也晉受魏禪何曾等亦然是時愍帝蒙塵四海無君琨等勸進為得其正

嶠羨之弟子

也

溫羨見八十六卷惠帝永興二年

嶠之從母為琨妻

母之姊妹為從母從才用翻

琨謂嶠曰晉祚雖衰天命未改吾當立功河朔使卿延

譽江南行矣勉之王以鮮卑大都督慕容廆為都督遼

左雜夷流民諸軍事龍驤將軍大單于昌黎公廆不受

遼左即遼東流民謂中州之民流移入遼東者廆戶罪翻驤思將翻

征虜將軍魯昌說廆

曰今兩京覆没天子蒙塵

左傳叔帶之難襄王出居于鄭使告難于魯臧文仲對曰

天子蒙塵于外敢不琅邪王承制江東為四海所係屬

奔問官守說輸芮翻屬之

明公雖雄據一方而諸部猶阻兵未服者蓋以官

非王命故也謂宜通使琅邪

使疏吏翻下同

勸承大統然後奉

詔令以伐有罪誰敢不從處士遼東高詡曰

處昌呂翻

霸王

之資非義不濟今晉室雖微人心猶附之宜遣使江東

示有所尊然後仗大義以征諸部不患無辭矣

晉室雖衰慕容

苻姚之興其初皆借王命以自重

虜從之遣長史王濟浮海詣建康勸

進漢相國粲使其黨王平謂太弟乂曰適奉中詔云

京師將有變宜衷甲以備非常又信之命宮臣皆衷甲

以居

祭固忌刻而又亦愚甚矣甲在衣中為衷甲

祭馳遣告靳準王沈

靳居愀翻

沈持林翻

準以白漢主聰曰太弟將為亂已衷甲矣聰大驚

曰寧有是邪王沈等皆曰臣等聞之久矣屢言之而陛下

下不之信也聰使祭以兵圍東宮祭使準沈收氏羌酋

長十餘人窮問之

又為大單于氏羌酋長屬焉故皆服事東宮酋慈由翻長知兩翻

皆

懸首高格

格以木為之周禮牛人祭祀共其牛牲之互鄭玄曰互若今屠家之懸肉格左思吳都賦

曰峭格周施呂向曰格懸網木也

燒鐵灼目酋長自誣與又謀反聰謂

沈等曰吾今而後知卿等之忠也當念知無不言勿恨
往日言而不用也於是誅東宮官屬及父素所親厚準

沈等素所憎怨者大臣數十人阮士卒萬五千餘人

阮所

者東宮四衛之兵也

夏四月廢義為北部王

北部即匈奴後部居新興

粲尋使

準賊殺之義形神秀爽寬仁有器度故士心多附之聽

聞其死哭之慟曰吾兄弟止餘二人而不相容

漢主淵諸子此

時惟聰又二人

安得使天下知吾心邪氏羌叛者甚衆以斬

準行車騎大將軍討平之五月壬午日有食之

考異曰

帝紀天文志皆云五月丙子日食按長
曆是月壬午朔無丙子今以曆為据

六月丙寅溫

嶠等至建康王導周顗庾亮等皆愛嶠才爭與之交是

時太尉豫州牧荀組冀州刺史邵續青州刺史曹嶷寧

州刺史王遜東夷校尉崔毖等皆上表勸進

顗魚豈翻
嶷魚力翻

毖音
祕

王不許

初流民張平樊雅各聚眾數千人在譙

為塢主王之為丞相也遣行參軍譙國桓宣往說平雅

平雅皆請降

說輸芮翻降
戶江翻下同

及豫州刺史祖逖出屯蘆洲

遣參軍殷乂詣平雅乂意輕平視其屋曰可作馬廐見

大鑊曰可鑄鐵器平曰此乃帝王鑊天下清平方用之

奈何毀之又曰卿未能保其頭而愛鑊邪

鑊胡郭翻鼎而無足曰鑊

說文云鑊江淮人謂之鍋浙人謂之鑊

平大怒於坐斬又

坐徂卧翻

勒兵固守

逖攻之歲餘不下乃誘其部將謝浮使殺之

誘音酉將即亮翻

逖進據太丘

太丘縣後漢屬沛郡晉省賢曰太丘故城在今亳州永城縣西北

樊雅猶

據譙城與逖相拒逖攻之不克請兵於南中郎將王含

桓宣時為含參軍含遣宣將兵五百助逖逖謂宣曰卿

信義已著於彼今復為我說雅

復扶又翻為于偽翻

宣乃單馬從

兩人詣雅曰祖豫州方欲平蕩劉石倚卿為援前殷又

輕薄非豫州意也雅即詣逖降

降戶江翻

逖既入譙城石勒

遣石虎圍譙王含復遣桓宣救之虎解去逖表宣為譙

國內史已巳晉王傳檄天下稱石虎敢帥犬羊渡河縱

毒今遣琅邪王裒等九軍

帥讀曰率裒蒲侯翻

銳卒三萬水陸四

道徑造賊場

造七到翻

受祖逖節度尋復召裒還建康

復扶又翻

秋七月大旱司冀并青雍州大蝗河汾溢漂千餘家

皆漢境也雍於用翻

漢王聰立晉王粲為皇太子領相國大單

于總攝朝政如故

朝直
還翻

大赦

段匹磾推劉琨為大都

督

磾丁
奚翻

檄其兄遼西公疾陸眷及叔父涉復辰弟耒

等會于固安

固安縣漢屬涿郡魏晉改涿郡曰范陽固
安曰故安劉昫曰唐易州易縣古故安縣

地

共討石勒耒極說疾陸眷涉復辰曰

說輸
芮翻

以父兄而

從子弟恥也且幸而有功匹磾獨收之吾屬何有哉各

引兵還琨匹磾不能獨留亦還薊

薊音
計

以荀組為司

徒 八月漢趙固襲衛將軍華薈於臨潁殺之

臨潁縣
屬潁川

郡華戶化翻
薈烏外翻

初趙固與長史周振有隙振密譖固於

漢主聽李矩之破劉暢也於帳中得聰詔令暢既克矩

還過洛陽收固斬之以振代固矩送以示固固斬振父

子帥騎一千來降

帥讀曰率騎奇寄翻降戶江翻

矩復令固守洛陽

鄭攀等相與拒王廙

廙羊至翻又逸職翻

衆心不壹散還橫桑口

水經沔水東南逕江夏雲杜縣又東逕左桑周昭王溺

死處也村老云百姓佐昭王喪事於此故曰佐桑左桑

字失體耳又東謂之橫

桑言得昭王喪處也

欲入杜曾王敦遣武昌太守趙

誘襄陽太守朱軌擊之攀等懼請降杜曾亦請擊第五

猗於襄陽以自贖廙將赴荊州留長史劉浚鎮揚口壘

水經註龍陂水逕郢城東北流謂之揚水水北
逕竟陵縣西又北注于沔曰揚口中夏口也 竟陵內

史朱伺謂廩曰

伺相吏翻

曾猾賊也外示屈服欲誘官軍使

西然後無道襲揚口耳宜大部分

言當大為部分以備曾掩襲分扶問翻

未可使西廩性矜厲自用以伺為老怯遂西行曾等果

還趨揚口

趨七喻翻

廩乃遣伺歸裁至壘即為曾所圍劉浚

自守北門使伺守南門馬雋從曾來攻壘雋妻子先在

壘中

馬雋本與鄭攀同距王廩

或欲皮其面以示之

皮面者剥其面皮

伺曰

殺其妻子未能解圍但益其怒耳乃止曾攻陷北門伺

被傷

被皮義翻

退入船開船底以出沈行五十步乃得免

沈持

林翻潛行水底曰沈行

曾遣人說伺曰

說輸芮翻

馬雋德卿全其妻子

今盡以卿家內外百口付雋雋已盡心收視卿可來也

伺報曰吾年六十餘不能復與卿作賊

復扶又翻

吾死亦當

南歸妻子付汝裁之乃就王廙於甌山病創而卒

甌山在竟

陵界隋置甌山縣屬沔陽郡創初良翻

戊寅趙誘朱軌及陵江將軍黃峻

與曾戰於女觀湖

水經註梓溪水出江陵縣北東注船官湖湖水又東北入女觀湖湖水又

東入于楊水

誘等皆敗死曾乘勝逕造沔口

造七到翻

威震江沔

王使豫章太守周訪擊之訪有衆八千進至沌陽

曰沈
沌約

陽縣江左屬江夏郡水經汚水逕沱陽縣北又東逕林障故城北沱陽者沱水之陽也沈持林翻

曾銳

氣甚盛訪使將軍李恒督左甄許朝督右甄訪自領中

軍曾先攻左右甄

楊正衡曰甄音堅戰陳有左拒右拒
拒方陳也有左甄右甄甄左右翼也

左右拒見於周鄭繻葛之戰左右甄之義見於楚穆王
孟諸之田孟諸之田宋公為右孟鄭伯為左孟杜預注
曰將獵張兩甄蓋晉人以左右翼為左
右甄杜預取當時之言以釋左右孟也訪於陣後射雉

訪於陣後射雉

以安衆心

射而翻亦

令其衆曰一甄敗鳴三鼓兩甄敗鳴六

鼓趙誘子盾將父餘兵屬左甄

亮將
翻即

力戰敗而復合馳

馬告訪訪怒叱令更進肩號哭還戰

號戶刀翻

自旦至申兩

甄皆敗訪選精銳八百人自行酒飲之

飲於鴆翻

救不得妄

動聞鼓音乃進曾兵未至三十步訪親鳴鼓將士皆騰

躍犇赴曾遂大潰殺千餘人訪夜追之諸將請待明日

訪曰曾驍勇能戰

驍堅堯翻

向者彼勞我逸故克之宜及其

衰乘之可滅也乃鼓行而進遂定漢沔曾走保武當

武當

縣漢屬南陽郡晉屬順陽郡縣以武當山得名唐為均州武當郡杜佑曰郡城延岑所築

王廙始得

至荊州訪以功遷梁州刺史屯襄陽

胡子序之敗梁州陷沒故令訪領梁

州而屯
襄陽

冬十月丁未琅邪王裒薨十一月己酉朔

日有食之

考異曰帝紀天文志皆云十一月丙子日食按長曆十月十二月皆己卯朔是月己酉

朔二十八日丙子晉書元帝紀十一月有甲子丁卯若丙子朔則甲子丁卯乃在十月又劉琨集是年三月癸未朔八月庚辰朔皆與長曆合今以為据 丁卯以劉琨為侍中太尉 征

南軍司戴邈上疏以為喪亂以來

喪息浪翻下久喪同

庠序隳廢

議者或謂平世尚文遭亂尚武此言似之而實不然夫

儒道深奧不可倉猝而成比天下平泰然後修之則廢

墜已久矣

比必寐翻

又貴遊之子未必有斬將搴旗之才

將即

亮翻寒
拔取也

從軍征戍之役不及盛年使之講肄道義良可

惜也

肄羊至
翻習也

世道久喪禮俗日弊猶火之消膏莫之覺

也今王業肇建萬物權輿

爾雅曰權
輿始也

謂宜篤道崇儒以

勵風化王從之始立太學

漢主聰出畋以愍帝行車

騎將軍戎服執戟前導見者指之曰此故長安天子也

聚而觀之故老有泣者太子粲言於聰曰昔周武王豈

樂殺紂乎

樂音
洛

正恐同惡相求為患故也今興兵聚衆

者皆以子業為名不如早除之聰曰吾前殺庾珉輩

庾殺

珉事見八十八卷建興元年

而民心猶如是吾未忍復殺也

復扶又翻

且

小觀之十二月聰饗羣臣于光極殿使聰帝行酒洗爵已而更衣又使之執蓋晉臣多涕泣有失聲者尚書郎

隴西辛賓起抱帝大哭聰命引出斬之

使之執戰前導使之行酒洗爵

使之執蓋所以屈辱之至此極矣戎狄狡計正以此觀晉舊臣及遺黎之心也更工衡翻

趙固與河

內太守郭默侵漢河東至絳

絳縣故晉都也漢屬河東郡晉屬平陽郡劉昫曰唐

絳州曲沃縣漢絳縣地

右司隸部民犇之者三萬餘人

聰分司隸為左右

騎兵將軍劉勲追擊之

騎奇寄翻

殺萬餘人固默引歸太子

梁帥將軍劉雅生等步騎十萬屯小平津

帥讀曰率

固揚言

曰要當生縛劉梁以贖天子梁表於聰曰子業若死民無所望則不為李矩趙固之用不攻而自滅矣戊戌愍

帝遇害於平陽

年十八

梁遣雅生攻洛陽固犇陽城山

河南

陽城縣有陽城山

是歲王命課督農功二千石長吏以入穀

多少為殿最

長知兩翻少詩沼翻殿丁練翻

諸軍各自佃作即以為稟

佃音田稟給也

氏王楊茂搜卒長子難敵立與少子堅頭分

領部曲

少詩照翻

難敵號左賢王屯下辨堅頭號右賢王屯

河池

下辨河池二縣皆屬武都郡師古曰辨皮莧翻劉昫曰辨步莧翻下辨唐為成州同谷縣河池唐為

武州盤隄縣

河南王吐谷渾卒

吐谷渾史家傳讀吐從暉入聲谷音欲

吐谷

渾者慕容廆之庶兄也父涉歸分戶一千七百以隸之

及廆嗣位二部馬鬪廆遣使讓吐谷渾曰先公分建有

別

廆戶罪翻別彼列翻

奈何不相遠異

遠異者言遠去以相別異

而令馬有鬪

傷吐谷渾怒曰馬是六畜

六畜馬牛羊犬豕雞畜許六翻

鬪乃其常何

至怒及於人欲遠別甚易恐後會為難耳今當去汝萬

里之外遂帥其衆西徙

易以政翻帥讀曰率

廆悔之遣其長史乙

耶婁馮追謝之

耶與耶同乙耶婁虜三字姓

吐谷渾曰先公嘗稱卜

筮之言云吾二子皆當彊盛祚流後世我孽子也

孽魚列翻

庶出為孽

理無並大今因馬而別殆天意乎遂不復還西傳

陰山而居

復扶又翻傳讀曰附

屬永嘉之亂

屬之欲翻會也

因度隴而西

據洮水之西極于白蘭地方數千里

沙州記曰洮水出強臺山東北流逕

吐谷渾中又東北流入塞此洮西塞外洮水之西也即沙渰沓中之地白蘭山名羌所居也至唐時丁零羌居之左屬黨項右與多彌接杜佑曰白蘭羌之別種東北接吐谷渾西至叱利模徒南界郡鄂風俗物產與宕昌

同

鮮卑謂兄為阿于鹿追思之為之作阿于之歌吐谷

有子六十人長子吐延嗣

為于偽翻
長知兩翻

吐延長大有勇力

羌胡皆畏之

吐谷渾
事始此

大興元年

是年三月
方改元

春正月遼西公疾陸眷卒其子幼

叔父涉復辰自立段匹磾自薊往犇喪段末柸宣言匹

磾之來欲為篡也匹磾至右北平

劉昫曰唐薊州漁陽
縣古右北平郡治所

碑丁
奚翻

涉復辰發兵拒之末柸乘虛襲涉復辰殺之并其

子弟黨與自稱單于迎擊匹磾敗之

單音蟬敗
補邁翻

匹磾走

還薊

薊音
計

三月癸丑愍帝凶問至建康王斬縗居廬

緣倉回翻儀禮斬衰倚廬孟康曰倚廬倚牆至地為之
無楣柱喪服大記父母之喪居倚廬不塗君為廬宮之
大夫士禮之既葬柱楣塗廬不於顯者君大夫士皆宮
之正義曰居倚廬者謂於中門之外東牆下倚木為廬
不塗者但以章夾障不塗之也宮之者謂廬外以帷障
之如宮牆禮之言袒也其廬袒露不帷障也既葬柱楣
者既葬情殺故柱楣稍舉以納日光又以泥塗辟風寒
不於顯者塗廬不塗廬外顯處君大夫士皆宮之者既
葬故得
皆宮之
百官請上尊號

上時掌翻

王不許紀瞻曰晉氏統絕

於今二年陛下當承大業顧望宗室誰復與讓若光踐
大位則神民有所憑依苟為逆天時違人事大勢一去

不可復還

復扶又翻

今兩都燔蕩宗廟無主劉聰竊號於西

壯而陛下高讓於東南此所謂揖讓而救火也王猶

不許使殿中將軍韓績徹去御坐

殿中將軍屬二衛晉初置朝會宴饗則戎

服直侍左右夜開諸城門則執白虎幡監之坐但卧翻下帝坐同

瞻叱績曰帝坐上應

列星

天文志帝坐在紫宮中

敢動者斬王為之改容

偽為于

奉朝請

周嵩上疏曰

王為丞相以嵩為參軍及為晉王拜奉朝請晉志曰奉朝請者奉朝會請名而已

古之王者義全而後取讓成而後得是以享世長久重

光萬載也

重直龍翻載子亥翻

今梓宮未返舊京未清義夫泣血

士女遑遑宜開延嘉謀訓卒厲兵先雪社稷大恥副四

海之心則神器將安適哉由是忤旨出為新安太守

孫權

分丹陽立新都郡武帝太康元年改名新安郡劉昫曰新安郡唐之歙州忤五故翻又坐怨望抵

罪嵩顗之弟也

豈顗魚翻

丙辰王即皇帝位百官皆剖列帝

命王導升御床共坐導固辭曰若太陽下同萬物蒼生

何由仰照帝乃止大赦改元文武增位二等帝欲賜諸

吏投刺勸進者加位一等民投刺者皆除吏凡二十餘

萬人

毛晃曰書姓名於奏白曰刺

散騎常侍熊遠曰陛下應天繼統

率土歸戴豈獨近者情重遠者情輕不若依漢法徧賜

天下爵於恩為普

漢自惠帝嗣位賜民爵一級有官秩者以歲數為差其後諸帝初即位率

賜民爵一級

且可以息檢覈之煩塞巧偽之端也

塞悉則翻

帝不

從 庚午立王太子紹為皇太子太子仁孝喜文辭善

武藝好賢禮士

喜許記翻好呼到翻

容受規諫與庾亮溫嶠等為

布衣之交亮風格峻整善談老莊帝器重之聘亮妹為

太子妃帝以賀循行太子太傅周顗為少傅庾亮以中

書郎侍講東宮帝好刑名家以韓非書賜太子庾亮諫

曰申韓刻薄傷化不足留聖心太子納之 帝復遣使

授慕容廆龍驤將軍大單于昌黎公廆辭公爵不受

廆辭

公爵不受外為謙讓其志不肯鬱鬱於昌黎也復扶又翻使疏吏翻驤思將翻

廆以游邃為龍

驤長史劉翔為主簿命邃創定府朝儀灋

朝直遙翻

裴疑言

於廆曰晉室衰微介居江表

介獨也疑魚力翻

威德不能及遠

中原之亂非明公不能拯也

拯救也

今諸部雖各擁兵然

皆頑愚相聚宜以漸并取以為西討之資

西討謂自遼東進兵西入

中州也

廆曰君言大非孤所及也然君中朝名德不以孤

僻陋而教誨之是天以君賜孤而祐其國也乃以疑為

長史委以軍國之謀諸部弱小者稍稍擊取之 李矩

使郭默郭誦救趙固屯于洛汭

水經洛水東北過鞏縣東又北入于河夏五子

獫狁太康于洛汭即其地

誦潛遣其將耿稚等夜濟河襲漢營

據李矩傳

時梁營于孟津北岸

漢貝丘王翼光覘知之

覘丑燕翻又丑艷翻

以告太子

梁請為之備梁曰彼聞趙固之敗自保不暇安敢來此

邪母為驚動將士俄而稚等奄至十道進攻梁眾驚潰

死傷大半梁走保陽鄉

陽鄉蓋春秋陽樊之地在汲郡修武縣界

稚等據其

營獲器械軍資不可勝數

勝音升

及旦梁見稚等兵少更

與劉雅生收餘衆攻之漢主聰使太尉范隆帥騎助之

少詩治翻帥讀
曰率騎奇寄翻

與雅等相持苦戰二十餘日不能下李

矩進兵救之漢兵臨河拒守矩兵不得濟雅等殺其所

獲牛馬焚其軍資突圍犇虎牢

河南成皋縣鄭之虎牢也穆天子傳曰七萃之

士生捕虎即獻天子天子畜之東號號曰虎牢其後劉裕復中原置河南四鎮虎牢其一也

詔以矩

都督河南三郡諸軍事

三郡河南榮陽弘農也

漢螽斯則百堂

災

螽斯則百堂取螽斯子孫衆多思齊則百斯男之義

燒殺漢主聰之子會稽王

康等二十一人

會工外翻

聰以其子濟南王驥為大將軍

都督中外諸軍事錄尚書齊王勣為大司徒

齊子禮翻勣音邁

焦嵩陳安舉兵逼上邳相國保遣使告急於張寔寔

遣金城太守竇濤督步騎二萬赴之軍至新陽

晉志新陽縣屬

天水郡何承天曰魏立水經註渭水過冀縣又東出峽入新陽川新陽縣蓋置于此

聞愍帝崩

保謀稱尊號破羌都尉張詵言於寔曰南陽王國之疏

屬忘其大恥而亟欲自尊

君父皆死於賊手保之大恥也

必不能成功

晉王近親且有名德當帥天下以奉之

保宣帝之從曾孫故曰疏屬帝

宣帝之曾孫故曰近親帥讀曰率

寔從之遣牙門蔡忠奉表詣建康比

至帝已即位

比必寐翻

寔不用江東年號猶稱建興

河西張氏用建

興年號歷九世四十九年至孝宗升平五年張天錫乃奉升平年號

夏四月丁丑朔日

有食之

加王敦江州牧王導驃騎大將軍開府儀同

三司導遣八部從事行揚州郡國

揚州時統丹陽會稽吳興宣城東陽臨

海新安八郡故分遣部從事八人行下孟翻

還同時俱見諸從事各言二千

石官長得失

長知兩翻

獨顧和無言導問之和曰明公作輔

寧使網漏吞舟

漢書刑法志曰漢興之初雖有約法三章網漏吞舟之魚師古曰言疏濶吞舟

謂大魚也

何緣採聽風聞以察察為政邪導咨嗟稱善和榮

之族子也 成丞相范長生卒成主雄以長生子侍中

賁為丞相長生博學多藝能年近百歲蜀人奉之如神

近其
靳翻

漢中常侍王沈養女有美色

沈持
林翻

漢主聰立以

為左皇后尚書令王鑒中書監崔懿之中書令曹恂諫

曰臣聞王者立后比德乾坤

乾父道也君比德焉
坤母道也后比德焉

生承

宗廟沒配后土必擇世德名宗幽閑令淑

詩閑雖窈窕
淑女毛註云

窈窕幽閑也淑
善也令亦善也

乃副四海之望稱神祇之心

稱尺
證翻

孝成

帝以趙飛鸞為后使繼嗣絕滅社稷為墟此前鑑也

事見
三十

二卷漢哀帝建平元年

自麟嘉以來

愍帝建興之四年漢麟嘉之元年

中宮之位

不以德舉借使沈之弟女刑餘小醜猶不可以塵汙椒

房

汙鳥路翻

況其家婢邪六宮妃嬪皆公子公孫奈何一旦

以婢主之臣恐非國家之福也聰大怒使中常侍宣懷謂太子粲曰鑒等小子狂言侮慢無復君臣上下之禮

其速考實於是收鑒等送市皆斬之金紫光祿大夫王

延馳將入諫門者弗通鑒等臨刑王沈以杖叩之曰庸

奴復能為惡乎乃公何與汝事

與讀曰預

鑒瞋目叱之曰豎

子滅大漢者正坐汝鼠輩與靳準耳

瞋七人翻
靳居愀翻

要當訴

汝於先帝取汝於地下治之

汝直
之翻

準謂鑒曰吾受詔收

君有何不善君言漢滅由吾也鑒曰汝殺皇太弟使主

上獲不友之名國家畜養汝輩何得不滅

畜許
六翻

懿之謂

準曰汝心如梟獍

梟食母破獍食父破獍
如羆而虎身身一作眼

必為國患汝

既食人人亦當食汝聰又立宣懷養女為中皇后司

徒荀組在許昌逼於石勒帥其屬數百人渡江

帥讀
曰率

詔

組與太保西陽王柔並錄尚書事段匹磾之犇疾陸

眷喪也劉琨使其世子羣送之匹磾敗羣為段末柸所得未柸厚禮之許以琨為幽州刺史欲與之襲匹磾密

遣使齎羣書請琨為內應為匹磾邏騎所得

匹磾丁奚翻邏郎佐翻

時琨別屯征北小城不知也

征北小城蓋征北將軍所治

來見匹磾

匹磾以羣書示琨曰意亦不疑公是以白公耳琨曰與

公同盟庶雪國家之恥若兒書密達亦終不以一子之

故負公而忘義也匹磾雅重琨

雅素也

初無害琨意將聽

還屯其弟叔軍謂匹磾曰我胡夷耳所以能服晉人者

畏吾衆也今我骨肉乖離

謂與未極相攻也

是其良圖之日若

有奉琨以起吾族盡矣匹磾遂留琨琨之庶長子遵懼

誅與琨左長史楊橋等閉門自守

長知兩翻

匹磾攻拔之代

郡太守辟閭嵩

姓譚衛文公支孫居楚丘營辟閭里因為辟閭氏

後將軍韓據

復潛謀襲匹磾事泄匹磾執嵩據及其徒黨悉誅之五

月癸丑匹磾稱詔收琨縊殺之并殺其子姪四人

縊於賜翻

又於計翻

琨從事中郎盧諶崔悅等帥琨餘衆犇遼西

諶氏壬翻

帥讀曰率下同

依段末柸奉劉羣為主將佐多犇石勒悅林之

曾孫也

崔林任魏位至司空

朝廷以匹磾尚彊冀其能平河朔乃

不為琨舉哀

為于偽翻下同

溫嶠表琨盡忠帝室家破身亡宜

在褒恤盧諶崔悅因未極使者亦上表為琨訟冤後數

歲乃贈琨太尉侍中謚曰愍於是夷晉以琨死皆不附

匹磾未極遣其弟攻匹磾匹磾帥其衆數千將犇邵續

勒將石越邀之於鹽山

鹽山在勃海高城縣隋改高城曰鹽山縣宋白曰鹽山在縣東

南八十里匹磾與琨結盟同獎晉室既殺琨而匹磾之勢亦衰終為石勒禽矣

大敗之

敗補匹邁翻

匹磾復還保薊未極自稱幽州刺史初溫嶠為劉琨奉表

詣建康其母崔氏固止之嶠絕裾而去既至屢求返命

朝廷不許會琨死除散騎侍郎嶠聞母亡阻亂不得奔

喪臨葬固讓不拜苦請北歸詔曰凡行禮者當使理可

經通

經常也

今桀逆未梟

梟堅堯翻

諸軍奉迎梓宮猶未得進

嶠以一身於何濟其私難

難乃旦翻

而不從王命邪嶠不得

已受拜初曹嶷既據青州乃叛漢來降

謂遣使詣建康奉表勸進

也嶷魚力翻

又以建康懸遠勢援不接復與石勒相結勒授

嶷東州大將軍青州牧封琅邪公

曹嶷反側二國之間終為人禽而已矣復

扶又翻

六月甲申以刁協為尚書令荀崧為左僕射協

性剛悍與物多忤

悍戾肝翻又下罕翻忤五故翻

與侍中劉隗俱為帝

所寵任

隗五罪翻

欲矯時弊每崇上抑下排沮豪彊

沮在呂翻

故

為王氏所疾諸刻碎之政皆云隗協所建協又使酒放

肆侵毀公卿見者皆側目憚之

為刁協見殺張本

戊戌封皇

子晞為武陵王劉虎自朔方侵拓拔鬱律西部

虎徙朔方

見八十七卷懷帝永嘉四年

秋七月鬱律擊虎大破之虎走出塞從

弟路孤帥其部落降于鬱律

帥讀曰率降戶江翻

於是鬱律西取

烏孫故地東無勿吉以西

唐書北狄列傳曰黑水靺鞨居肅慎地亦曰挹婁元魏謂

之勿吉通鑑蓋因魏收魏書書之鬱律所取者勿吉以西之地未能無勿吉也徒河慕容令支段氏及宇文部

高句麗亦非鬱律所能制伏

士馬精彊雄於北方漢主聰寢疾徵

大司馬曜為丞相石勒為大將軍皆錄尚書事受遺詔

輔政曜勒固辭乃以曜為丞相領雍州牧

雅於用翻

勒為大

將軍領幽冀二州牧勒辭不受以上洛王景為太宰濟

南王驥為大司馬

濟子禮翻

昌國公顥為太師

顥魚豈翻

朱紀為

太傅呼延宴為太保並錄尚書事范隆守尚書令儀同

三司靳準為大司空領司隸校尉皆迭決尚書奏事癸

亥聰卒甲子太子粲即位

粲字士光

尊皇后靳氏為皇太后

樊氏號弘道皇后武氏號弘德皇后王氏號弘孝皇后

立其妻靳氏為皇后子元公為太子大赦改元漢昌葬

聰於宣光陵謚曰昭武皇帝廟號烈宗靳太后等皆年

未盈二十粲多行無禮無復哀戚靳準陰有異志私謂

粲曰如聞諸公欲行伊霍之事先誅太保及臣以大司

馬統萬機陛下宜早圖之粲不從準懼復使二靳氏言

之

二靳氏聽后與粲后
靳居愀翻復扶又翻

粲乃從之收其太宰景大司馬

驥驥母弟車騎大將軍吳王逞太師顗大司徒齊王勣

皆殺之

顗魚豈翻
勣音邁

朱紀范隆犇長安

犇劉曜也

八月粲治兵

於上林謀討石勒

蓋起上林苑於
下陽治直之翻

以丞相曜為相國都

督中外諸軍事仍鎮長安靳準為大將軍錄尚書事粲

常遊宴後宮軍國之事一決於準準矯詔以從弟明為

車騎將軍康為衛將軍

從才用翻

準將作亂謀於王延延弗

從馳將告之

將以準
謀告粲

遇靳康劫延以歸準遂勒兵升光

極殿使甲士執粲數而殺之

數所具翻

謚曰隱帝劉氏男女

無少長皆斬東市

少詩照翻長知兩翻

發永光宣光二陵

淵墓號永光陵

斬聰屍焚其宗廟準自號大將軍漢天王稱制置百官

謂安定胡嵩曰自古無胡人為天子者今以傳國璽付

汝還如晉家

洛陽之陷傳國璽遷于平陽如往也璽斯氏翻

嵩不敢受準怒殺

之遣使告司州刺史李矩曰劉淵屠各小醜

屠直於翻

因晉

之亂矯稱天命使二帝幽沒輒率衆扶侍梓宮請以上

聞矩馳表于帝帝遣太常韓肩等奉迎梓宮漢尚書北

宮純等招集晉人堡於東宮靳康攻滅之

壯宮純降漢見八十七卷

懷帝永嘉五年

準欲以王延為左光祿大夫延罵曰屠各逆奴

何不速殺我以吾左目置西陽門觀相國之入也

以劉曜將

自西進兵也

右目置建春門觀大將軍之入也

以石勒將自東進兵也

準殺之相國曜聞亂自長安赴之石勒帥精銳五萬以

討準據襄陵北原

帥讀曰率襄陽縣漢屬河東郡晉屬平陽郡師古曰晉襄公之陵因以名

縣據水經註襄陵在平陽東南

準數挑戰

數所角翻挑徒了翻

勒堅壁以挫之冬

十月曜至赤壁

水經註河東皮氏縣西北有赤石川

大保呼延晏等自平

陽歸之與太傅朱紀等共上尊號

上時掌翻

曜即皇帝位

曜字

永明淵之族子

大赦惟靳準一門不在赦例改元元光初以朱

紀領司徒呼延晏領司空太尉范隆以下悉復本位以

石勒為大司馬大將軍加九錫增封十郡進爵為趙公

勒進攻準於平陽巴及羌羯降者十餘萬落

巴巴氏也魏武平漢

中遷巴氏于關中其後種類滋蔓河東平陽皆有之羯居謁翻

勒皆徙之於所部郡縣

漢主曜使征北將軍劉雅鎮北將軍劉策屯汾陰

汾陰縣漢

屬河東郡晉省

與勒共討準十一月乙卯日夜出高三丈

高居

與翻

詔以王敦為荊州牧加陶侃都督交州諸軍事敦

固辭州牧乃聽為刺史庚申詔羣公卿士各陳得失

御史中丞熊遠上疏以為胡賊猾夏

孔安國曰猾亂也夏華夏夏戶雅翻

梓宮未返而不能遣軍進討一失也羣官不以讐賊未

報為恥務在調戲酒食而已二失也

諧譌以相調戲

選官用人

不料實德惟在白望不求才幹惟事請託當官者以治

事為俗吏

治直之翻

奉灋為苛刻盡禮為諂諛從容為高妙

從千容翻

放蕩為達士驕蹇為簡雅三失也世之所惡者陸

沈泥滓

惡鳥路翻司馬彪曰陸沈謂無水而沈之沈持林翻

時之所善者翱翔雲

霄是以萬機未整風俗偽薄朝廷羣司以從順為善相

違見貶安得朝有辨爭之臣士無祿仕之志乎

朝直遙翻

古

之取士敷奏以言

舜典曰敷奏以言孔安國註曰敷陳奏進也各使陳進治體之言

今

光祿不試甚違古義

此即謂秀孝不試而署吏

又舉賢不出世族用

法不及權貴是以才不濟務姦無所懲若此道不改求

以救亂難矣先是帝以離亂之際欲慰悅人心州郡秀

孝至者不試普皆署吏

秀孝謂州郡所舉秀才及孝廉先悉薦翻

尚書陳頤

亦上言宜漸循舊制試以經策

晉初秀孝以經策中第者若華譚之類是也顏

於倫翻又居筠翻

帝從之仍詔不中科者刺史太守免官

欲罪舉主

也中竹仲翻

於是秀孝皆不敢行其有到者亦皆託疾比三

年無就試者

比必寐翻

帝欲特除孝廉已到者官尚書郎孔

坦奏議以為近郡懼累君父皆不敢行

累力瑞翻君父謂刺史太守

遠近冀於不試冒昧來赴今若偏加除署是為謹身奉

灋者失分僥倖投射者得官

分扶問翻投射謂投機而射利也

頽風蕩

教恐從此始不若一切罷歸而為之延期

為于偽翻延遠也

使

得就學則灋均而令信矣帝從之聽孝廉申至七年乃

試

申寬展也

坦愉之從子也

從才用翻

斬準使侍中卜泰送乘

輿服御請和於石勒

乘繩證翻

勒囚泰送於漢主曜曜謂泰

曰先帝末年實亂大倫

先帝謂祭也亂倫謂烝其諸母

司空行伊霍之

權使朕及此其功大矣若早迎大駕者當悉以政事相

委況免死乎卿為朕入城具宣此意

為于偽翻

泰還平陽準

自以殺曜母兄沈吟未從

曜母胡氏為準所殺兄則史失其名沈吟猶豫不決之意

沈持林翻

十二月左右車騎將軍喬泰王騰衛將軍靳康等

相與殺準推尚書令靳明為主遣卜泰奉傳國六璽降

漢

降戶江翻

石勒大怒進軍攻明明出戰大敗乃嬰城固守

丁丑封皇子煥為琅邪王煥鄭夫人之子生二年矣

帝愛之以其疾篤故王之已卯薨帝以成人之禮葬之

備吉凶儀服營起園陵功費甚廣琅邪國右常侍會稽

孫霄

晉志王國置左右常侍各一人

上疏諫曰古者凶荒殺禮

殺所戒翻降也

減也況今海內喪亂

喪息浪翻

憲章舊制猶宜節省而禮典所

無顧崇飾如是乎

葬無服之殤以成人之禮古典所無也

竭已罷之民營

無益之事

罷讀
曰疲

殫已困之財修無用之費此臣之所不

安也帝不從

彭城內史周撫殺沛國內史周默以其

衆降石勒詔下邳內史劉遐領彭城內史與徐州刺史

蔡豹泰山太守徐龕共討之豹質之玄孫也

蔡質漢人
蔡邕之叔

父龕
含翻

石虎帥幽冀之兵會石勒攻平陽靳明屢敗

遣使求救於漢漢主曜使劉雅劉策迎之明帥平陽士

女萬五千人犇漢

帥讀
曰率

曜西屯栗邑

栗邑縣屬
馮翊郡

收靳氏

男女無少長皆斬之

少詩照翻
長知兩翻

曜迎其母胡氏之喪於

平陽葬于栗邑號曰陽陵謚曰宣明皇太后石勒焚平陽宮室使裴憲石會修永光宣光二陵收漢主粲已下

百餘口葬之置戍而歸成梁州刺史李鳳數有功

數所

角翻成主雄兄子稚在晉壽疾之

晉壽縣屬梓潼郡何承天曰晉惠帝立晉壽縣

沈約曰案晉起居注武帝太康元年改梓潼之漢壽曰晉壽漢壽之名疑是蜀立云惠帝立非也鳳以

巴西叛雄自至涪使太傅驤討鳳斬之以李壽為前將

軍督巴西軍事

涪音浮

資治通鑑卷九十

欽定四庫全書

資治通鑑卷九十一

宋司馬光撰

胡三省音註

晉紀十三

起屠維單閼盡重光
大荒落凡三年

中宗元皇帝中

大興二年春二月劉遐徐龕擊周撫於寒山破斬之

魏收

地形志彭城郡彭城縣有寒山龕苦舍翻

初掖人蘇峻帥鄉里數千家結壘

以自保遠近多附之

掖縣屬東萊郡蘇峻傳云長廣掖人據志長廣郡有掖縣無掖縣帥

率

讀曰

曹嶷惡其彊將攻之峻率衆浮海來奔

嶷魚力翻
惡烏路翻

帝以峻為鷹揚將軍

沈約志鷹揚將軍建安中曹公以命曹洪

助劉遐討周

撫有功詔以遐為臨淮太守峻為淮陵內史

惠帝元康七年分臨

淮置淮陵郡其地當在唐沂州臨沂縣界宋白曰泗州招信縣本漢淮陵縣

石勒遣左長

史王修獻捷於漢漢主曜遣無司徒郭汜授勒太宰領

大將軍進爵趙王加殊禮出警入蹕如曹公輔漢故事

汜音祀

拜王修及其副劉茂皆為將軍封列侯修舍人曹

平樂從修至粟邑

樂音洛

因留仕漢言於曜曰大司馬遣

修等來

曜初即位以勒為大司馬故稱之

外表至誠內覘大駕彊弱俟

其復命將襲乘輿

覘丑廉翻乘繩證翻

時漢兵實疲弊曜信之乃

追汜還斬修於市三月勒還至襄國劉茂逃歸言修死

狀勒大怒曰孤事劉氏於人臣之職有加矣彼之基業

皆孤所為今既得志還欲相圖趙王趙帝孤自為之何

待於彼邪乃誅曹平樂三族

為劉石相攻張木

帝令羣臣議

郊祀尚書令刁協等以為宜須還洛乃修之司徒荀組

等曰漢獻帝都許即行郊祀

范書漢獻帝建安元年郊祀上帝於安邑是年七月

至洛陽復郊祀上帝八月遷許無郊祀之事或別見他書也晉書禮志載組議云獻帝遷許即便立郊蓋郊祀不在遷許之年也何必洛邑帝從之立郊丘於建康城之已地

辛卯帝親祀南郊以未有北郊

按成帝咸和八年始於覆舟山南立北郊

并

地祇合祭之詔琅邪恭王宜稱皇考賀循曰禮子不敢

以己爵加於父

此前三漢師丹引禮以為言事見

乃止

初蓬陂塢主陳川

蓬陂即左傳之蓬澤在浚儀縣

自稱陳留太守

守式又翻

祖逖之攻樊雅也川遣其將李頭助之頭力戰有功逖厚遇之頭每嘆曰得此人為主吾死無恨川聞而殺之

頭黨馮寵帥其衆降遯川益怒大掠豫州諸郡遯遣兵

擊破之夏四月川以浚儀叛降石勒

浚儀縣屬陳留郡故大梁也帥讀曰

率降戶江

翻下同

周撫之敗走也徐龕部將于藥追斬之及

朝廷論功而劉遐先之

先悉薦翻

龕怒以泰山叛降石勒自

稱兗州刺史漢王曜還都長安

自栗邑還長安遂定都也

立妃羊

氏為皇后

即惠帝羊皇后曜納羊后見八十七卷懷帝永嘉五年

子熙為皇太子

封子襲為長樂王

樂音洛

聞為太原王冲為淮南王敞為

齊王高為魯王徽為楚王諸宗室皆進封郡王羊氏即

故惠帝后也曜嘗問之曰吾如何司馬家兒羊氏曰陛下開基之聖主彼亡國之暗夫何可並言彼貴為帝王有一婦一子及身三耳曾不能庇妾於爾時實不欲生意謂世間男子皆然自奉巾櫛已來始知天下自有丈夫耳曜甚寵之頗干預國事南陽王保自稱晉王改元建康置百官以張寔為征西大將軍開府儀同三司陳安自稱秦州刺史降于漢又降于成上邽大飢士衆困迫張春奉保之南安祁山

之往也

寔遣韓璞帥步騎五

千救之陳安退保縣諸

縣諸道前漢屬天水郡後漢晉省水經註縣諸水歷縣諸故道

北東東入清水
清水東南注渭

保歸上邽未幾保復為安所逼

幾居豈
翻復扶

又翻

寔遣其將宋毅救之安乃退

江東大饑詔百官各

上封事益州刺史應詹上疏曰

詹自益州刺史還建康

元康以來

賤經尚道以玄虛宏放為夷達

夷曠也

以儒術清儉為鄙

俗宜崇獎儒官以新俗化

祖逖攻陳川于蓬關石勒

遣石虎將兵五萬救之戰于浚儀逖兵敗退屯梁國勒

又遣桃豹將兵至蓬關逖退屯淮南

此淮南郡
治壽春

虎徙川

部衆五千户于襄國留豹守川故城 石勒遣石虎擊

鮮卑日六延於朔方大破之斬首二萬級俘虜三萬餘

人孔萇攻幽州諸郡悉取之段匹磾士衆饑散欲移保

上谷

晉志上谷郡治沮陽縣秦置郡在谷之上頭故名焉

代王鬱律勒兵將擊之

匹磾棄妻子奔樂陵依邵續

樂陵郡治厭次續保之以奉晉

曹嶷遣

使賂石勒請以河為境勒許之

嶷已緣河置戍矣今賂勒請以河為境者懼勒

之侵軼也

梁州刺史周訪擊杜曾大破之馬雋等執曾以

降訪斬之并獲荊州刺史第五猗送於武昌訪以猗本

中朝所署

朝直
遥翻

加有時望白王敦不宜殺敦不聽而斬

之

荷從杜曾事始八十
九年愍帝建興四年

初敦患杜曾難制謂訪曰若擒

曾當相論為荊州及曾死而敦不用王廙在荊州

廙半
至翻

又逸
職翻

多殺陶侃將佐

將即
亮翻

以皇甫方回為侃所敬責其

不詣已收斬之士民怨怒上下不安帝聞之徵廙為散

騎常侍以周訪代廙為荊州刺史王敦忌訪威名意難

之從事中郎郭舒說敦曰鄙州雖荒弊乃用武之國不

可以假人宜自領之

郭舒先在荊州歷事
劉弘王澄說輸芮翻

訪為梁州足

矣敦從之六月丙子詔加訪安南將軍餘如故訪大怒

敦手書譬解并遺玉環玉腕以申厚意遺于季翻訪抵之於

地曰吾豈賈豎可以寶悅邪賈音古訪在襄陽務農訓兵

陰有圖敦之志守宰有缺輒補然後言上上時掌翻敦患之

而不能制魏該為胡寇所逼自宜陽率衆南遷新野魏該

自懷帝末屯宜陽界一泉塢宜陽縣屬弘農郡新野縣漢屬南陽郡晉屬義陽郡助周訪討杜

曾有功拜順陽太守趙固死郭誦留屯陽翟陽翟縣漢屬潁川郡

晉屬河石生屢攻之不能克漢主曜立宗廟社稷南

北郊於長安詔曰吾之先興於北方光文立漢宗廟以

從民望

見八十五卷惠帝永興元年

今宜改國號以單于為祖亟議

以聞羣臣奏光文始封盧奴伯

晉成都王穎封劉淵為盧奴伯

陛下又

王中山中山趙分也

王于況翻分扶問翻

請改國號為趙從之以

冒頓配天

冒莫北翻

光文配上帝

徐龕寇掠濟岱

岱泰山也龕寇

掠濟岱之間濟子禮翻

破東莞

沈約志武帝太康元年分琅邪立東莞郡晉志東莞故魯鄆邑劉昫

曰唐沂州沂水縣漢東莞縣地宋白曰春秋莒魯爭鄆杜預註云城陽姑幕縣南有員亭即鄆也俗變其字耳十三州志云有東西二鄆魯昭公所居者為西鄆兗州東平郡是也莒魯所爭者為東鄆漢東莞縣是也莞音

官 帝問將帥可以討龕者於王導

將即亮翻
帥所類翻

導以為太

子左衛率泰山羊鑒龕之州里冠族

冠古
玩翻

必能制之鑒

深辭才非將帥郝鑒亦表鑒非才不可使導不從秋八

月以羊鑒為征虜將軍征討都督督徐州刺史蔡豹臨

淮太守劉遐鮮卑段文鴛等討之

段文鴛時從其
兄匹碑在厭次

冬

石勒左右長史張敬張賓左右司馬張屈六程遐等勸

勒稱尊號勒不許十一月將佐等復請勒稱大將軍大

單于領冀州牧趙王

復扶又翻
單音蟬

依漢昭烈在蜀魏武在

鄴故事以河內等二十四郡為趙國太守皆為內史準

禹貢復冀州之境

時以河內魏汲頓丘平原清河鉅鹿常山中山長樂樂平趙國廣平陽平

章武勃海河間上黨定襄范陽漁陽武邑燕國樂陵二十四郡為趙國準禹貢魏武復冀州之境南至孟津西

達龍門東至于河北至塞垣

以大單于鎮撫百蠻罷并朔司三州

未晉

當置朔州此罷朔州未知誰所置也

通置部司以監之勒許之戊寅即趙

王位

石勒字世龍

大赦依春秋時列國稱元年初勒以世亂

律令煩多命法曹令史貫志

貫姓也志其名

采集其要作辛亥

制五千文施行十餘年乃用律令以理曹參軍上黨續

咸為律學祭酒

姓譚帝舜七友有續牙曰晉大夫狐
鞠居食采於續號續簡伯後以為氏咸

用法詳平國人稱之以中壘將軍支雄

中壘將軍
後趙創置

游擊

將軍王陽領門臣祭酒

勒置經學祭酒律學祭
酒史學祭酒門臣祭酒

專主胡

人辭訟重禁胡人不得陵侮衣冠華族

華族中華之族
也勒胡人也能

禁其醜類不使陵暴華人及衣冠之士
晉文公初欲俘陽樊之民殆有愧焉

號胡為國人遣

使循行州郡勸課農桑朝會始用天子禮樂衣冠儀物

從容可觀矣

朝直遙翻
從于容翻

加張賓大執灋專總朝政

朝直
遙翻

同下以石虎為單于元輔都督禁衛諸軍事尋加驃騎將

軍侍中開府賜爵中山公

驃匹妙翻

自餘羣臣授位進爵各

有差張賓任遇優顯羣臣莫及而謙虛敬慎開懷下士

屏絕阿私

屏必郢翻

以身帥物

帥讀曰率

入則盡規出則歸美勒

甚重之每朝常為之正容貌簡辭令呼曰右侯而不敢

名

史言張賓有大臣之節所以膺石勒之禮貌為于偽翻

十二月乙亥大赦

平州刺史崔毖自以中州人望鎮遼東

毖崔琰之曾孫琰在魏時為冀

州人士之首子孫遂為冀州冠族毖音秘

而士民多歸慕容廆

廆戶罪翻

心不平

數遣使招之皆不至

數所角翻

意廆拘留之乃陰說高句麗

段氏宇文氏使共攻之

說輸芮翻句音如字又音駒麗力知翻

約滅虜分

其地必所親勃海高瞻力諫必不從三國合兵代虜諸

將請擊之虜曰彼為崔必所誘欲邀一切之利軍勢初

合其鋒甚銳不可與戰當固守以挫之彼烏合而來

飛鳥

見食羣集而聚啄之人或驚之則四散飛去故兵以利合無所統一者謂之烏合

既無統壹莫

相歸服久必攜貳一則疑吾與必詐而覆之二則三國

自相猜忌待其人情離貳然後擊之破之必矣三國進

攻棘城虜閉門自守遣使獨以牛酒犒宇文氏

使疏吏翻犒苦

告二國疑宇文氏與龐有謀各引兵歸兵法所謂合則能離之慕容龐

有宇文大人悉獨官曰二國雖歸吾當獨取之宇文氏

士卒數十萬連營四十里龐使召其子翰於徒河翰自

建興元年翰遣使白龐曰悉獨官舉國為寇彼衆我寡

易以計破難以力勝今城中之衆足以禦寇翰請為奇

兵於外伺其間而擊之間古覓內外俱奮使彼震駭不

知所備破之必矣今并兵為一彼得專意攻城無復它

虞虞防也備也復非策之得者也且示衆以怯恐士氣

扶又翻下同

不戰先沮矣

沮在呂翻

虜猶疑之遼東韓壽言於虜曰悉獨

官有憑陵之志將驕卒惰軍不堅密若奇兵卒起

卒讀曰猝

掎其無備必破之策也

掎舉綺翻偏引曰掎又從後牽曰掎

虜乃聽翰留

徒河悉獨官聞之曰翰素名驍果

驍堅亮翻

今不入城或能

為患當先取之城不足憂乃分遣數千騎襲翰翰知之

詐為段氏使者逆於道曰慕容翰久為吾患聞當擊之

吾已嚴兵相待宜速進也使者既去翰即出城設伏以

待之宇文氏之騎見使者大喜馳行不復設備進入伏

中翰奮擊盡獲之乘勝徑進遣間使語虜出兵大戰

間投

隙而行故謂之
間使間古覓翻

虜使其子斡與長史裴嶷將精銳為前

鋒

斡呼
廣翻

自將大兵繼之悉獨官初不設備聞虜至驚悉

衆出戰前鋒始交翰將千騎從旁直入其營縱火焚之

將即
亮翻

衆皆惶擾不知所為遂大敗悉獨官僅以身免虜

盡俘其衆獲皇帝玉璽三鈕

皇帝璽即宇文大人普
出獵所得者璽斯氏翻

崔琰聞之懼使其兄子燾詣棘城偽賀會三國使者亦
至請和曰非我本意崔平州教我耳虜以示燾臨之以

兵燾懼首服

首式
救翻

虜乃遣燾歸謂燾曰降者上策走者

下策也引兵隨之必與數十騎棄家犇高句麗其衆悉

降於虜

降戶
江翻

虜以其子仁為征虜將軍鎮遼東

為仁以
遼東與

孰爭國
張本

官府市里案堵如故高句麗將如奴子據于河

城虜遣將軍張統掩擊擒之俘其衆千餘家以崔燾高

瞻韓恒石琮歸于棘城待以客禮恒安平人琮鑒之孫

也

石鑒事武帝
惠帝位通顯

虜以高瞻為將軍瞻稱疾不就虜數臨

候之

數所
角翻

撫其心曰君之疾在此不在它也今晉室喪

亂孤欲與諸君共清世難

喪息浪翻
難乃旦翻

翼戴帝室君中州

望族宜同斯願奈何以華夷之異介然踈之哉

介然堅
正不移

之夫立功立事惟問志略何如耳華夷何足問乎

以瞻
薄庖

起於東夷不肯委
身事之故有是言

瞻猶不起庖頗不平龍驤主簿宋該

與瞻有隙

庖進號龍驤將軍以該
為府主簿驤思將翻

勸庖除之庖不從瞻

以憂卒

初鞠羨既死

鞠羨死見八十六
卷懷帝永嘉元年

苟晞復以羨

子彭為東萊太守

復扶
又翻

會曹嶷徇青州

事見八十七卷
永嘉三年嶷魚

與彭相攻嶷兵雖彊郡人皆為彭死戰

偽翻

嶷不能

克久之彭歎曰今天下大亂彊者為雄曹亦鄉里

彭與嶷皆

齊人為天所相

相悉亮翻

苟可依憑即為民主何必與之力爭

使百姓肝腦塗地吾去此則禍自息矣郡人以為不可

爭獻拒疑之策彭一無所用與鄉里千餘家浮海歸崔

慆北海鄭林客於東萊彭嶷之相攻林情無彼此嶷賢

之不敢侵掠彭與之俱去比至遼東

比必寐翻

慆已敗乃歸

慕容廆廆以彭參龍驤軍事遺鄭林車牛粟帛

遺于季翻

皆

不受躬耕于野宋該勸廆獻捷江東廆使該為表裴嶷

奉之并所得三璽詣建康獻之高句麗數寇遼東

字又如

音駒麗力知
翻數所角翻

虜遣慕容翰慕容仁伐之高句麗王乙弗

利逆來求盟翰仁乃還

還從宣翻
又如字

是歲蒲洪降趙

考

異曰三十國晉春秋洪降劉曜在大興元年案元年曜
未都長安晉書洪載記無年但云曜僭號長安洪歸曜
故置趙主曜以洪為率義侯屠各路松多起兵於新
是年

平扶風以附晉王保

屠直
於翻

保使其將楊曼王連據陳倉

張顗周庸據陰密松多據草壁

水經註隴山西南降隴
城北有松多川蓋松多

據此因以為地名草壁
在陰密之東顗魚豈翻

秦隴氏羌多應之趙主曜遣諸

將攻之不克曜自將擊之

將即亮翻

三年春正月曜攻陳倉王連戰死楊曼犇南氏

氏種之居陳倉

南者即仇池楊氏也

曜進拔草壁路松多犇隴城又拔陰密晉王

保懼遷于桑城

水經註洮水自臨洮縣東北流過索西城又北出門峽又東北逕桑城東又北

逕安故縣保欲自桑城奔河西也

曜還長安以劉雅為大司徒張春謀

奉晉王保奔涼州張寔遣其將陰監將兵迎之聲言翼

衛其實拒之

段末柸攻段匹磾破之

匹磾丁奚翻

匹磾謂邵

續曰吾本夷狄以慕義破家君不忘久要

要一遙翻久要舊約也

請相與共擊末桎續許之遂相與追擊末桎大破之匹

碑與弟文鴛攻薊

匹碑奔邵續薊為石氏所取薊音計

後趙王勒知續勢

孤

是時劉石國號皆曰趙史以石趙為後趙以別之

遣中山公虎將兵圍厭次

厭於琰翻

孔萇攻續別營十一皆下之二月續自出擊虎虎

伏騎斷其後

斷丁管翻

遂執續使降其城

欲使續降厭次城也降戶江翻下同

續呼兄子竺等謂曰吾志欲報國不幸至此汝等努力

奉匹碑為主勿有貳心匹碑自薊還未至厭次聞續已

沒衆懼而散復為虎所遮

復扶又翻下同

文鴛以親兵數百力

戰始得入城與續子緝兄子存竺等嬰城固守虎送續

於襄國勒以為忠釋而禮之以為從事中郎因下令自

今克敵獲士人毋得擅殺必生致之

勒禮續而終於殺續所以令生致士

人者不過欲使之從已耳

吏部郎劉盾聞續被攻

被皮義翻

言於帝曰北

方藩鎮盡矣惟餘邵續而已如使復為石虎所滅孤義

士之心阻歸本之路愚謂宜發兵救之

盾續所遣也事見八十九卷聰

帝建興二年

帝不能從聞續已沒乃下詔以續位任授其子

緝趙將尹安宋始宋恕趙慎四軍屯洛陽叛降後趙

漢主曜改國號曰趙石勒稱趙王同在上
年而勒併曜始得中原故以後趙別之
後趙將石生

引兵赴之安等復叛降司州刺史李矩
復扶矩使潁川

太守郭默將兵入洛石生虜宋始一軍北渡河於是河

南之民皆相帥歸矩
帥讀洛陽遂空三月裴嶷至建

康
嶷魚力翻盛稱慕容廆之威德賢雋皆為之用朝廷始重

之
朝廷始以裔夷待慕容今以嶷言始重之帝謂嶷曰卿中朝名臣
朝直當

留江東朕別詔龍驤送卿家屬嶷曰臣少蒙國恩出入

省闥
嶷仕西朝歷中書侍郎給事黃門郎故云然少詩照翻若得復奉輦轂臣之

至榮但以舊京淪沒山陵穿毀雖名臣宿將莫能雪恥

復扶又翻
將即亮翻

獨慕容龍驤竭忠王室志除凶逆故使臣萬

里歸誠今臣來而不返必謂朝廷以其僻陋而棄之孤

其嚮義之心使懈體於討賊

體當依載記作
急懈居隘翻

此臣之所

甚惜是以不敢徇私而忘公也

謂留江東乃是徇一身
之私計歸棘城則可輔

鹿以討賊乃天下之公義也
麋之心蓋以鹿可與共
功名鄙晉之君臣宴安江沱為不足與共事而已帝

曰卿言是也乃遣使隨麋拜鹿安北將軍平州刺史

疏使

吏翻

閏月以周顗為尚書左僕射

顗魚
豈翻

晉王保將張

春楊次與別將楊韜不協勸保誅之且請擊陳安保皆

不從夏五月春次幽保殺之保體肥大重八百斤喜睡

好讀書

喜許記翻
好呼到翻

而暗弱無斷故及於難

斷丁亂翻
難乃旦翻

保

無子張春立宗室子瞻為世子稱大將軍保衆散犇涼

州者萬餘人陳安表於趙主曜請討瞻等曜以安為大

將軍擊瞻殺之張春犇枹罕

枹罕縣前漢屬金城後漢屬隴西郡張執分屬晉興

郡唐為河
州枹音膚

安執楊次於保樞前斬之因以祭保安以天

子禮葬保於上邽諡曰元王 羊鑒討徐龕頤兵下邳

不敢前蔡豹敗龕於檀丘

檀丘在魯國卞縣東南敗補邁翻

龕求救於

後趙後趙王勒遣其將王伏都救之又使張敬將兵為之後繼勒多所邀求而伏都淫暴龕患之張敬至東平

龕疑其襲已乃斬伏都等三百餘人復來請降

復扶又翻降戶

江翻下同

勒大怒命張敬據險以守之

據險守龕欲持久以獎之也

帝亦

惡龕反覆不受其降

惡烏路翻

敕鑒豹以時進討鑒猶疑憚

不進尚書令刁協劾奏鑒免死除名以蔡豹代領其兵

王導以所舉失人乞自貶帝不許六月後趙孔萇攻

段匹磾

碑丁奚翻

恃勝而不設備段文鸯襲擊大破之京

兆人劉弘客居涼州天梯山

武威姑臧城南有天梯山

以妖術惑衆

從受道者千餘人

妖於驕翻

西平元公張寔左右皆事之帳

下閭涉牙門趙卬皆弘鄉人弘謂之曰天與我神璽應

王涼州

璽斯氏翻王于況翻

涉卬信之密與寔左右十餘人謀殺

寔奉弘為主寔弟茂知其謀請誅弘寔令牙門將史初

收之未至涉等懷刃而入殺寔於外寢

考異曰晉書作閭涉趙卬又

云寔知其謀收劉弘殺之据晉春秋作閭涉趙卬又弘死在寔被殺後今從之

弘見史初至謂

曰使君已死殺我何為初怒截其舌而囚之輓於姑臧

市

輓胡悍翻車裂也涼州及武威郡皆治姑臧縣

誅其黨與數百人左司馬陰

元等以寔子駿尚幼推張茂為涼州刺史西平公赦其

境內以駿為撫軍將軍丙辰趙將解虎及長水校尉

尹車謀反與巴苜句徐庠彭等相結

解戶買翻苜慈由翻下同句古侯翻

庠音舍皆姓也

事覺虎車皆伏誅趙主曜囚徐彭等五十餘人

于阿房將殺之

阿房即秦阿房宮舊基亦謂之阿城

光祿大夫游子遠諫

曰聖王用刑惟誅元惡而已不宜多殺爭之叩頭流血

曜怒以為助逆而囚之盡殺徐彭等尸諸市十日乃投
於水於是巴衆盡反推巴酋句渠知為主自稱大秦改
元曰平趙四山氏羌巴羯應之者三十餘萬關中大亂
城門晝閉子遠又從獄中上表諫爭爭讀曜手毀其表
曰大荔奴大荔戎種落之名不憂命在須臾猶敢如此

子遠蓋戎出也

嫌死晚邪叱左右速殺之中山王雅郭汜朱紀呼延晏
等諫曰子遠幽囚禍在不測猶不忘諫爭記音祀爭忠
之至也陛下縱不能用奈何殺之若子遠朝諫臣等亦

當夕死以彰陛下之過天下將皆捨陛下而去陛下誰與居乎曜意解乃赦之曜敕內外戒嚴將自討渠知子遠又諫曰陛下誠能用臣策一月可定大駕不必親征

也曜曰卿試言之子遠曰彼非有大志欲圖非望也

帝謂

王之事非常人所望

直畏陛下威刑欲逃死耳陛下莫若廓然大

赦與之更始

更工衡翻

應前日坐虎車等事其家老弱没入

奚官者皆縱遣之使之自相招引聽其復業彼既得生

路何為不降

降戶江翻下同

若其中自知罪重屯結不散者願

假臣弱兵五千必為陛下梟之

梟不孝鳥說文日至捕梟磔之以頭掛木上故

今謂掛首為梟首為于偽翻梟堅堯翻

不然今反者彌山被谷

彌滿也被皮義翻

雖以天威臨之恐非歲月可除也曜大悅即日大赦以

子遠為車騎大將軍開府儀同三司都督雍秦征討諸

軍事子遠屯于雍城

雍于用翻

降者十餘萬移軍安定反者

皆降惟句氏宗黨五千餘家保于陰密進攻滅之遂引

兵巡隴右先是氏羌十餘萬落據險不服

先悉薦翻

其酋虛

除權渠自號秦王子遠進造其壁

造七到翻

權渠出兵拒之

五戰皆敗權渠欲降其子伊餘大言于衆曰往者劉曜

自來猶無若我何況此偏師何謂降也帥勁卒五萬晨

壓子遠壘門

帥讀曰率

諸將欲擊之子遠曰伊餘勇悍當今

無敵所將之兵復精于我

復扶又翻

又其父新敗怒氣方盛

其鋒不可當也不如緩之使氣竭而後擊之乃堅壁不

戰伊餘有驕色子遠伺其無備

伺相吏翻

夜勒兵蓐食旦值

大風塵昏子遠悉衆出掩之生擒伊餘盡俘其衆權渠

大懼被髮剪面請降

被皮義翻勢力之翻以刀割面也

子遠啟曜以權

渠為征西將軍西戎公

啟開也開陳其事以白于上謂之啟

分徙伊餘兄

弟及其部落二十餘萬口于長安曜以子遠為大司徒

錄尚書事曜立太學選民之神志可教者千五百人擇

儒臣以教之作鄴明觀

觀古玩翻下同

及西宮起陵霄臺于瀉

池

司馬彪曰瀉在上林苑中孟康曰長安西南有瀉池古史考曰武王遷鎬長安豐亭鎬池也瀉與鎬同下

老翻

又于霸陵西南營壽陵侍中喬豫和苞上疏諫以為

衛文公承亂亡之後節用愛民營建宮室得其時制故

能興康叔之業延九百之祚

衛為狄人所滅文公徙居楚丘大布之衣大帛之冠

務材訓農通商惠工始建城市而營宮室得其時制百姓悅之國家殷富衛以復興自康叔始封于衛至秦始皇滅延祚九百餘年前奉詔書營鄴明觀市道細民咸譏其奢曰

以一觀之功足以平涼州矣

言以起一觀之功力足以平河西張氏

今又

欲擬阿房而建西宮法瓊臺而起陵霄其為勞費億萬

鄴明若以資軍旅乃可無吳蜀而壹齊魏矣

吳謂晉蜀謂李特齊

謂曹魏謂石勒

又聞營建壽陵周圍四里深三十五丈

深式禁翻

以銅為椁飾以黃金功費若此殆非國內所能辦也秦

始皇下銅三泉土未乾而發毀

詳見三十一卷漢成帝永始元年劉向封事乾

音干自古無不亡之國不掘之墓故聖王之儉葬乃深遠

之慮也陛下奈何於中興之日

曜平新氏之難而自立故其臣謂之中興而

踵亡國之事乎曜下詔曰二侍中懇懇有古人之風可

謂社稷之臣矣其悉罷宮室諸役壽陵制度一遵霸陵

之法封豫安昌子苞平輿子

輿音豫

並領諫議大夫仍布

告天下使知區區之朝欲聞其過也

朝直遙翻

又省鄴水園

以與貧民

豐水出京兆南山東北流注于渭曜立園於豐水左右

祖逖將韓潛

與後趙將桃豹分據陳川故城豹居西臺潛居東臺豹

由南門潛由東門出入相守四旬遯以布囊盛土如米

狀

盛時征翻

使千餘人運上臺

工時掌翻

又使數人擔米息於道

豹兵逐之

擔他甘翻

棄擔而走

擔都濫翻

豹兵久饑得米以為遯

士衆豐飽益懼

先以囊盛土運之潛所以疑之也又使人擔米以餌豹兵示之以實也

後

趙將劉夜堂以驢千頭運糧饋豹遯使韓潛及別將馮

鐵邀擊於汴水

水經注蒺藜渠水自中牟東流至浚儀縣分為二水南流者曰沙水東注者曰

汴水汴水東流入梁郡

盡獲之豹宵遁屯東燕城

即漢東郡燕縣也後魏置東燕

縣屬陳留郡隋改為胙城縣屬東郡唐屬滑州豹兵已有懼心糧又為遯所獲故宵遁也遯使潛進

屯封丘以逼之馮鐵據二臺遼鎮雍丘

封丘雍丘二縣皆屬陳留郡春

秋傳敗狄于長丘在封丘界雍丘故杞國也

數遣兵邀擊後趙兵

數所角翻

後趙

鎮戍歸遼者甚多境土漸蹙先是趙固上官已李矩郭

默互相攻擊遼馳使和解之

先悉薦翻使疏吏翻下同

示以禍福遂

皆受遼節度秋七月詔加遼鎮西將軍遼在軍與將士

同甘苦約已務施

施式政翻

勸課農桑撫納新附雖踈賤者

皆結以恩禮河上諸塢先有任子在後趙者皆聽兩屬

居兩界之上者聽其兩屬因以為間

時遣游軍偽抄之

抄楚交翻

明其未附塢

主皆感恩後趙有異謀輒密以告由是多所克獲自河以南多叛後趙歸于晉遼練兵積穀為取河北之計後

趙王勒患之乃下幽州為遼修祖父墓置守冢二家

范遼

陽人其祖父墓在焉下遐嫁翻

因與遼書求通使及互市遼不報書而

聽其互市收利十倍遼牙門童建殺新蔡內史周密降

于後趙

姓譖顓頊子老童之後以為氏

勒斬之送首於遼曰叛臣逃吏

吾之深仇將軍之惡猶吾惡也

惡烏路翻

遼深德之自是後

趙人叛歸遼者遼皆不納禁諸將不使侵暴後趙之民

邊境之間稍得休息

逃聽河上諸塢兩屬此用間之智也然石勒為逃修祖父墓斬童建

而送其首亦所以懈逃推鋒越河之心

八月辛未梁州刺史周訪卒訪

善於撫士衆皆為致死

偽為于

知王敦有不臣之心私常

切齒

切齒上下齒相磨切也

敦由是終訪之世未敢為逆敦遣從

事中郎郭舒監襄陽軍

監工衛

帝以湘州刺史甘卓為梁

州刺史督沔北諸軍事鎮襄陽

王敦憚周訪而不敢為逆至其舉兵也不以甘

卓為虞亦可謂奸雄矣

舒既還帝徵為右丞敦留不遣後趙王

勒遣中山公虎帥步騎四萬擊徐龕

帥讀曰率下同

龕送妻子

為質乞降勒許之

勒許龕降力未能取龕耳觀其後殺龕足以知其心質音致

蔡豹

屯卞城

卞縣屬魯國劉昫曰隋於卞縣古城置泗水縣唐屬兗州

石虎將擊之豹退

守下邳為徐龕所敗

敗補邁翻

虎引兵城封丘而旋徙士族

三百家寘襄國崇仁里

崇仁里勒所命名以處衣冠之族

置公族大夫

以領之

後趙王勒用法甚嚴諱胡尤峻

勒本胡人故以為諱

宮

殿既成初有門戶之禁有醉胡乘馬突入止車門勒大

怒責宮門小執法馮翦

執法御史之官也紫宮南蕃中二星曰左右執法晉之故臣為

勒定宮制取此置宮門執法即以張賓為大執法總朝政故宮門置小執法翦章庶翻

翦惶懼忘

諱對曰向有醉胡乘馬馳入甚呵禦之而不可與語勒
笑曰胡人正自難與言恕而不罪勒使張賓領選初定
五品後更定九品命公卿及州郡歲舉秀才至孝廉清
賢良直言武勇之士各一人

選須絹翻石勒立國粗有
網紀石虎繼之無復有是

西平公張茂立兄子駿為世子 蔡豹既敗將詣建

康歸罪壯中郎將王舒止之帝聞豹退遣使收之

使疏
吏翻

舒夜以兵圍豹豹以為它寇帥麾下擊之聞有詔乃止
舒執豹送建康冬十月丙辰斬之 王敦殺武陵內史

向碩

史書王敦專殺以著其無君之罪

帝之始鎮江東也敦與從弟導

同心翼戴帝亦推心托之敦總征討

懷帝永嘉五年帝以敦刺揚州加都

督征討諸軍事其討華軼杜弢王機杜曾皆其功也從才用翻

導專機政

尚書萬機之本導錄尚書

事是專機政也

羣從子弟布列顯要

從才用翻

時人為之語曰王與

馬共天下後敦自恃有功且宗族彊盛稍益驕恣帝畏

而惡之

惡鳥路翻

乃引劉隗刁協等以為腹心稍抑損王氏

之權導亦漸見疎外中書郎孔愉陳導忠賢有佐命之

勲宜加委任帝出愉為司徒左長史導能任真推分澹

如也

分扶問翻
澹杜覽翻

有識皆稱其善處興廢而敦益懷不

平

史言導所以福祚流子孫敦所以隕
身喪家禍及王含父子處昌呂翻

遂構嫌隙初敦

辟吳興沈充為參軍充薦同郡錢鳳於敦敦以為鎧曹

參軍二人皆巧諂凶狡知敦有異志陰贊成之為之畫

策敦寵信之勢傾内外敦上疏為導訟屈辭語怨望導

封以還敦

導錄尚書先見敦疏故封
還之為于偽翻下隗為同

敦復遣奏之

復扶
又翻

左將軍譙王承

承音拯以此觀之
則前作承誤也

忠厚有志行

行下
孟翻

帝

親信之夜召承以敦疏示之曰王敦以頃年之功位任

足矣而所求不已言至於此將若之何承曰陛下不早
裁之以至今日敦必為患劉隗為帝謀出心腹以鎮方
面會敦表以宣城內史沈充代甘卓為湘州刺史帝謂
承曰王敦姦逆已著朕為惠皇其勢不遠

言當如惠帝
受制於強臣

也湘州據上流之勢控三州之會

三州謂
荆交廣

欲以叔父居

之何如

古者同姓諸侯天子謂之伯父叔父承宣帝
之從孫而帝宣帝之曾孫於屬亦叔父也

承

曰臣奉承詔命惟力是視何敢有辭然湘州經蜀寇之

餘

蜀寇謂杜
弢之亂也

民物凋弊若得之部比及三年乃可即戎

用論語冉有對孔子之言即從也
朱熹曰即就也戎兵也比必寐翻
苟未及此雖復灰身

亦無益也
復扶又翻
十二月詔曰晉室開基方鎮之任親賢

並用其以譙王承為湘州刺史長沙鄧騫聞之歎曰湘

州之禍其在斯乎承行至武昌敦與之宴謂承曰大王

雅素佳士
雅素猶言平常也
恐非將帥才也
將即亮翻帥所類翻
承曰公

未見知耳鈐刀豈無一割之用
後漢班超之言
敦謂錢鳳曰彼

不知懼而學壯語足知其不武無能為也乃聽之鎮
承雖

忠有餘而才不足敦
窺見而知其無能為
時湘土荒殘公私困弊承躬自儉

約傾心綏撫甚有能名 高句麗寇遼東

句如字又音駒麗力知翻

慕容仁與戰大破之自是不敢犯仁境

四年春二月徐龕復請降

復扶又翻下同

張茂築靈鈞臺基

高九仞

高居傲翻

武陵閭曾夜叩府門

武陵疑當作武威

呼曰武公

遣我來

張軌謚武公呼火故翻

言何故勞民築臺有司以為妖請

殺之茂曰吾信勞民曾稱先君之命以規我何謂妖乎

乃為之罷役

妖於驕翻為于偽翻下同

三月癸亥日中有黑子

中日

有黑子陰侵陽而磨蕩之也時王敦驕悖浸甚故象見于天

著作佐郎河東郭璞以

帝用刑過差上疏以為陰陽錯繆皆繁刑所致赦不欲

數

數所
角翻

然子產知鑄刑書非政之善不得不作者須以

救弊故也

左傳鄭鑄刑書叔向詒子產書曰國將亡必多制復書曰吾以救世也須待也

今之

宜赦理亦如之後趙中山公虎攻幽州刺史段匹磾

於厭次

碑丁奚翻
厭於琰翻

孔萇攻其統內諸城悉拔之段文鸯

言於匹磾曰我以勇聞故為民所倚望今視民被掠而

不救是怯也

被皮義
翻下同

民失所望誰復為我致死遂帥壯

士數十騎出戰

復扶又翻為于
偽翻帥讀曰率

殺後趙兵甚衆馬乏伏

不能起虎呼之曰兄與我俱夷狄久欲與兄同為一家
今天不違願於此得相見何為復戰請釋仗文鴛罵曰
汝為寇賊當死日久吾兄不用吾策

事見七十八卷
懷帝永嘉六年

故

令汝得至此我寧鬪死不為汝屈遂下馬苦戰槩折執

刀戰不已

槩色角翻矛長丈八
者曰槩折而設翻

自辰至申後趙兵四面

解馬羅披自彰

馬羅披意
即障泥也

前執文鴛文鴛力竭被執城

內奪氣匹礮欲單騎歸朝

騎奇寄翻
朝直遙翻

邵續之弟樂安內

史洎勒兵不聽洎復欲執臺使主英送於虎

臺使晉朝
所遣者也

使疏
吏翻

匹磾正色責之曰卿不能遵兄之志逼吾不得歸

朝亦已甚矣復欲執天子使者我雖夷狄所未聞也洎

與兄子緝竺等輿櫬出降

櫬初覲翻
降戶江翻

匹磾見虎曰我受

晉恩志在滅汝不幸至此不能為汝敬也後趙王勒及

虎素與匹磾結為兄弟虎即起拜之勒以匹磾為冠軍

將軍

冠古
玩翻

文鴛為左中郎將散諸流民三萬餘戶復其

本業置守宰以撫之於是幽冀并三州皆入於後趙匹

磾不為勒禮常著朝服持晉節

著陟
略翻

久之與文鴛邵續

皆為後趙所殺

厥次既破無復後患匹碑兄弟與邵續皆被害石勒志趣從可知矣

五

月庚申詔免中州良民遭難為揚州諸郡僮客者以備

征役

難乃旦翻

尚書令刁協之謀也由是衆益怨之終南

山崩

終南山長安南山也時劉曜據關中亡國之徵晉書書於曜載記

秋七月甲戌

以尚書僕射戴淵為征西將軍都督司兗豫并雍冀六

州諸軍事司州刺史鎮合肥

合肥縣屬淮南郡雍於用翻

丹陽尹劉

隗為鎮北將軍都督青徐幽平四州諸軍事青州刺史

鎮淮陰

淮陰縣前漢屬臨淮郡後漢屬下邳郡晉屬廣陵郡

皆假節領兵名為討

胡實備王敦也隗雖在外而朝廷機事進退士大夫帝

皆與之密謀敦遺隗書曰

遺于季翻

頃承聖上顧眄足下今

大賊未滅中原鼎沸欲與足下及周生之徒

周生謂周顗敦素憚

顗見輒扇而不休故舉以為言

戮力王室共靜海內若其泰也則帝祚

於是乎隆若其否也

否皮鄙翻

則天下永無望矣隗答曰魚

相忘於江湖人相忘於道術

引莊子大宗師之言

竭股肱之力効

之以忠貞

晉大夫荀息之言

吾之志也敦得書甚怒壬午以驃

騎將軍王導為侍中司空假節錄尚書領中書監

驃匹妙翻

帝以敦故并疎忌導御史中丞周嵩上疏以為導忠素

竭誠輔成大業不宜聽孤臣之言惑疑似之說放逐舊

德以佞伍賢

用兵列陳五人為伍伍同列也以佞伍賢言賢佞同列也

虧既往之恩

招將來之患

向者親倚導而今疎忌之是虧既往之恩也導或自疑外而與敦同是招將來之患

也招之遙翻

帝頗感寤導由是得全

史言周顗兄弟保護王導

八月常

山崩

常山在常山郡上曲陽縣西北其地時屬石勒

豫州刺史祖逖以戴淵

吳士

淵廣陵人廣陵故吳王濞都也

雖有才望無弘致遠識且已翦荆

棘收河南地而淵雍容一旦來統之意甚怏怏

怏於兩翻又

聞王敦與劉刁構隙將有內難

難乃旦翻

知大功不遂感激

發病九月壬寅卒於雍丘豫州士女若喪父母譙梁間

皆為立祠

喪息浪翻為于偽翻

王敦久懷異志聞逖卒益無所憚

王敦之所忌周訪祖逖訪卒而逖繼之宜其益無所憚也然溫嶠都鑒諸人已存晉朝卒藉之以清大慙以此知上天生材以應世世變無窮而人才亦與之無窮固非姦雄所能逆睹也

冬十月壬午以

逖弟約為平西將軍豫州刺史領逖之眾約無綏御之

才不為士卒所附初范陽李產避亂依逖見約志趣異

常謂所親曰吾以北方鼎沸故遠來就此冀全宗族今

觀約所為有不可測之志吾託名姻親當早自為計無事復陷身於不義也爾曹不可以目前之利而忘長久

之策乃帥子弟十餘人間行歸鄉里

李產父子後事墓容雋復扶又翻帥

讀曰率間古覓翻

十一月皇孫衍生後趙王勒悉召武鄉

耆舊詣襄國與之共坐歡飲初勒微時與李陽鄰居數

爭溫麻池相歐

數所角翻溫於候翻久漬也詩云東門之池可以溫麻毛氏曰溫柔也考工記

慌氏以沆水溫其絲注云溫漸也楚人曰溫齊人曰淩淩烏禾翻然則溫是漸漬之名云溫柔者謂漸漬使之柔勒也魏收地形志鄉郡三臺領上有李陽基有陽由麻池石勒與李陽爭溫麻處也歐於口翻擊也

是獨不敢來勒曰陽壯士也漚麻布衣之恨孤方無容

天下豈讐匹夫乎遽召與飲引陽臂曰孤往日厭卿老

拳卿亦飽孤毒手因拜參軍都尉以武鄉比豐沛復之

三世

勒欲並驅漢光武光武復南頓不敢遠期十歲而勒復武鄉三世多見其不知量也復方目翻

以民始復業資儲未豐於是重制禁釀郊祀宗廟皆用

醴酒

酒一宿而熟者曰醴

行之數年無復釀者十二月以慕容

廐為都督幽平二州東夷諸軍事車騎將軍平州牧

考

異曰燕書云車騎大將軍平州刺史按晉書載記先拜平州刺史尋加車騎州牧今從之封遼東公

單于如故遣謁者即授印綬聽承制置官司守宰庖於

是備置僚屬以裴嶷遊邃為長史

嶷魚力翻

裴開為司馬韓

壽為別駕陽耽為軍諮祭酒崔壽為主簿黃泓鄭林參

軍事

鄭林不受庖車牛粟帛而躬耕于野庖蓋以是取之

庖立子魮為世子作東

橫

橫與魮同學舍也載記作東庠魮呼廣翻

以平原劉讚為祭酒使魮與諸

生同受業庖得暇亦親臨聽之

得暇者言庖惟於國事無暇財得一息之暇亦

親臨東橫聽其講說史言庖之能崇儒

魮雄毅多權略喜經術國人稱之

喜許記翻

庖徙慕容翰鎮遼東慕容仁鎮平郭

平郭縣漢屬遼東郡晉省

唐新書曰高麗建
安城古平郭縣也翰撫安民夷甚有威惠仁亦次之

拓跋猗它妻惟氏忌代王鬱律之彊恐不利於其子乃

殺鬱律而立其子賀偃

鬱律立見八十九卷
帝建興四年偃奴沃翻

大人死

者數千人鬱律之子什翼犍

犍居言翻

幼在襁褓其母王氏

匿於袴中祝之曰天苟存汝則勿啼久之不啼乃得免

惟氏專制國政遣使聘後趙後趙人謂之女國使

以惟氏專

政故謂之女國史言拓
跋所以中衰使疏吏翻

資治通鑑卷九十一